

Q V A E S T I O M E D I C A

Quodlibetariis disputationibus manè discutienda in Scholis Medicorum die Jovis 3. Decembris.

M. IOANNE-BAPTISTA RENATO MOREAU, Doctore Medico, Præfide.

An ex vocis & loquelæ modo, Corporis & animi virtus conjici possit?

HOMO ex duobus constat, corpore & animâ: absque horum alterutro non homo sed *degenerans* pronascitur. Corpus solum caducum & dissipabile, licet eleganti formâ præditum, est ingens sine nomine truncus; Hæc semper una, & originis planè divinæ, corporis ergastulus semel exposita, sui quidem est juris, & suum munus perfectius exequitur: sed nullus est homo. Quæ longe nobilior, infiras & quasi consignatas in se recondit notiones, omnium virtutum, & scientiarum semina: ut nemo sit adeo rudis, qui non aliquando instituitur. Sinceras, nec corporis labe infectas *voluntas*, cum vi propriâ elicit, aut potius inspicit, modum ponit suis cupiditatibus, quibus variè solet distrahi, eumque unâ metitur prudentiâ, quæ sola omnis est virtus, atque cum eadem anima, innatâ cupiditate videndi veri, maxime ducatur, rerum omnium principia quæ concludit tractans & retractans, unius insinij vinculo, res omnes quasi concatenatas contineri, demonstrare nititur: sicque, quod non videt verum, sibi fingit: immensam cœli magnitudinem definit, solis cursum signat, notat stellarum progressionem & infiriones, quid apud se fiat distinctè animadvertit, non ita sciens rerum quæ in corpore peraguntur, ex quo utriusque naturam infinitis spatiis distam probe intelligere eff.

CORPORIS humani dignitas, non opinione existimanda; illa est, quanta placuit nature inventori, & principi: non qualis placet quibusdam Philosophis. In eâ re quæ habet quod ad naturam voluit pertinere Deus, nihil desideratur. Hinc homo qui duos oculos, ambas manus, binos pedes obtinet, cumulât perfectus censetur; non qui uno, aut centum luminibus, manibus centum, vel quatuor pedibus instruitur & utitur, quæ sunt fabularum non naturæ inventa. Homo animalium formosissimum & infirmissimum, mundi incola & spectator, rerum externarum imaginem per sensus, qui viæ quadam sunt ad animam perforata, curiosissimè haurit, sibi primò consulens in confectandâ voluptate, & declinando dolore; deinde ad cæteras res, ut occurrunt, oriandi causâ se applicans, immensam tamen rerum objectarum varietatem & numerum, non accipi, eo conjici potest, quod cuilibet fui sint sentiendi termini, quos citra vel ultra, aut non moveatur aut læditur. Nonne illi, qui acutius cernit, restat aliquid quod oculis effugiat? non sunt profecto certa extrema, nec omnibus eadem. Quorum corpus natura optime coagmentavit, ij multo potentius admoveant suos sensus, tardiusque & desertunt & mortem oppetunt: quorum organa minus bellè sunt constituta, ij minus sagaces habentur, celeriusque ab opere vacante & occumbunt. Ut enim lapides dures & compaciore, difficilius atteruntur & divelluntur, ita & quod optime conglutinatum est corpus, ægrè dissolvitur.

SED quidquid feliciori meditatione acquisivit homo, quidquid à sensu traditum & impressum effingit, sibi soli haberet, nisi certo quodam modo aliis largiretur: signis nempe ostendit suam mentem, voce & litteris. Illam excogitavit natura, Hæc necessitati debentur. Homo miser, inops, & ægrè apud se manens, sonos & litteras æque animi interpretes, ut sibi subveniret, adinvenit. Larynx legitimum vocis organum & multitudine muscutorum & corporibus duris, concavis, politisque & simul præcipue apparatus, licet omnium animantium ferè communis; uni tamen homini vox maxime ingenta est, quam variè flectit & immutat, quia rationis compos & *μυνηκτατος*, cum cætera animalia ad palmam abjecta, aut omnino sileant, aut si quem profundant sonum, non tam amplis distinguatur differentiis, quia *αλγιστα* & ineptâ. Cartilagine tres, Thyroidem, quæ prominere sicut in modum Cricoidem, quæ anulolum imitatur; & Aritanoidem, quæ duplex, & infundibuli formam refert, callidissimo artificio fabricata est natura. Hæc quælibet, exceptâ Cricoidæ, à variis musculis incitatur, nondum tamen vox efformata sequitur. Hoc opus adimpler *γλῶττις*, quæ rimula est ex duobus Arytanoidis processibus efficta, non ab similibus linguæ quam siltulæ cicutis compactæ representant. Aere ex amplis pulmonum spatiis resiliente, per rimulam, incredibilem quandam constrictionis & dilatationis varietatem, perpeffam, varij generis voces eduntur: quæ connexæ & uno sensu comprehensæ loquelam efficiunt. Ad vocem delicatorem & nidiorem conferunt, lingua, plectri, & dentes chordarum similes, majorem usum palato præbente, quod editum sonum retinet: attamen avulsâ linguâ, arctis dentibus & perforato palato, etiam vox efficitur.

QUI optime mirari novit, vocem & loquelam maximè mirabitur: Ab homine nihil præstabilius dari potest. Qui primus hominem loquentem audivit, credo rei insolentiâ multum fuit attonitus. Frigor à corpore tenui & molli, aut saltem non usquequaque duro promitur, qui etiam homines fortissimos terret. Vox licet & loquela mentem pingens, aliorum mentes movet & excitat: eadem, cum certum quemdam habet motum, ordinem & ornatum, dignus assumens nomen, proprium amittit, Eloquencia nuncupatur, quæ, quo vult, ducit animos quasi victos; unde vult, revocat. Quadam etiam ratione vox composita, & intervallis paribus & imparibus conjuncta Harmonia est, spirituum animalium motrix jucundissima, quæ omnibus sæculis fuit aliqua, adeo ut infans puer, & pene balbutiens voces continet ad delectationem. Nulla gens est tam barbara quæ suam non habeat eloquentiam & harmoniam. Ita vocis & loquelæ efficacitas in animos nota est & perfecta. Hæc est illa quæ imperat, quæ dissipatos homines ad delectationem. Nulla gens est tam barbara quæ suam non habeat eloquentiam & harmoniam. Ita vocis & loquelæ efficacitas in animos nota est & perfecta. Hæc est illa quæ imperat, quæ dissipatos homines ad delectationem convocavit, urbes condidit, amicitiam colit; quæ hominum facie commercium, quæ scientias & artes traducit; quæ malæ animi ægritudini medicinam adhibet, quæ tandem honorificentissimè de auctore suo prædicat: Vox & loquela ita sunt homini propriæ, ut has ad eum, magis intime quam risum, pertinere existima verim: atque si aliquorum fuisset fatum, ab infantia recondi in speluncis, nullus dubito, quin solo naturæ invitamento vociferarentur.

CONJECTURA ergo cum innititur principiis, licet non usquequaque firmis, sed ut plurimum rem eandem monstrantibus, ex vocis & loquelæ modo, multa de corporis & animi indole præfigere possumus. Laryngis equidem est vox, ejusque affectionem proximè declarat, ut effectus causam arguit. At Laryngem disponi ut totum corpus, abundè testatur maxima illa commutatio, quæ pubertatem designat, in qua & corpus vegetius & vox gravior evadit: unde in judicandâ corporis facultate voci non temere creditur. Loquela autem cum sit animi cogitantis, qualis illa, talis & ille non immerito statuendus. Sermon facilis copiosus & plenus, animi capax & confidens, audacis & tenuis: pressus, rebus abundans, non verbis superfluentis index est; qui verecundè & decorè loquitur, modestum & sapientem patefacit animum, qui placidè & sedatè dicit, pacatum & mirem; qui turbulentè, irarum, quæritatè, seipem, qui humanissimè, amantem se docet. Non minora à voce expectanda indicia. Quæ præceptum est canora & flexibilis, ab organorum libertate & facilitate, & à spiritus motu celeri proficiscitur: tacta, spissa & dura, ab aliquo in instrumentis impedimento: acutam aut gravem faciunt unâ cum glottidis tenuitate, laryngis fecitas aut amplitudo, humore diffuens. Magna, contenta & elata, qualis pedem dicentium, loci aerem concludentis capacitatem & robur consequitur; secus, parva inclinata & summissa; tremens & firma, spirituum vim significat, aut imbecillitatem. Hactenus quod conjecturis supersuperfluum, reum est opinabile, præcipue quod de animo, per loquelam sumus rimati. De illo namque vix quidquam certi haberi potest, nisi quod sponte patefecerit; cum in omnes corporis motus potestatem habeat, quos ad libitum administrat: ex quo fit, ut sæpe numero signa persistant, res vero significata nulla sit: quod Socratis celeberrimo exemplo patet, quem Zopyrus physiognomon notaverat, licet vitia non extarent in vultu & oculis indicata: nihilominus stat conclusio.

Ergo ex vocis & loquelæ modo, Corporis & animi virtus conjici potest.

DOMINI DOCTORES DISPUTATURI.

M. Petrus Bonnet.

M. Ioannes Armandus de Mauvillain.

M. Ioannes-Baptista-Renatus Moreau, Præfide.

M. Nidam Pelletier.

M. Renaud le Conte.

M. François Afforty.

M. Petrus Cressé.

M. Ioannes-Antonius Morand, Censor.

M. Alex. Michaël Denyau, Professor Regius.

Proponebat Lutetiæ PETRUS LAURENCEAU, Pontosequanus Campanus. A. R. S. H. MDCLXXVI.

